

一
醴
魚
醫
書

上海
伯
永
碩
堂
印
行

痘疹傳心錄卷之六

松江李林韻啟賢氏重校

報點口訣

西吳朱惠明 著

可占順逆發也發熱可決輕重肖形可占順逆是以可占順逆發也發熱可決輕重
色黯瘡出色澤神安點如珠粟神枯色黯瘡出乾焦色黯瘡出色澤神安點如珠粟
雖甚密猶非常帶熱數瘡陸續出齊雖甚密猶為可雖甚密猶非常帶熱數瘡陸續
作內攻形細細白頭如癩瘡乾枯必作內攻形啾啾紅點似丹朱焦萎定成憔悴勢
斂桃紅光點子不紅終白陷頭尖脚斂桃紅光潤定為祥蚊迹蚤斑刻日而登鬼錄
皮薄嬌紅引日而返泉鄉肌白嫩則皮薄嬌紅體黃瘦則痘多褐色人黑皮粗痘色
而識只要宜辨肌色不同未可一例而識只要尖綻有神不喜嬌紅平塌未熱先敷
舒瘡吉凶俗名報痘又名無何復熱舒瘡吉凶未審先發塊而後發瘡塊名風毒而
難醫痘始瘡而後發塊塊名鬼腫以難醫痘始報於太陽頤頰唇肋者多凶瘡初生
于兩耳舌喉胸背者不吉故曰順不憎多逆嫌一點黑疔先見諸瘡誰敢彰形賊痘
諸痘未起脹悶若生諸痘不堪貫汁辨認若真急宜挑剔是以裏症未平吐利便開
有色如黃金者痘雖出而毒猶在內透肌發散解毒為先便調神靜二便清調身雖熱而毒已
出外補兼升發安表相兼設使內外症平斯又不須過治矣

一凡雜痘初出形色似乎正痘當辨及之

一為風熱發為瘡疹形色初見亦似乎正痘

痘始

且夫痘之為毒也稟於有生之初藏於臟腑

天一所生之臟腑也

之內隱顯莫測聲臭不聞隨

感而見猶鏡之取火鏡中之火雖在使無日之晶光相射何能發也先哲曰痘藏伏處藥鏡相似火未至也寂然無聲火既及也赫然震烈矧痘毒之猛烈非可喻及其呈見利害妍媸有難悉舉殆非刻舟求劍者所可語也

一凡痘初見點於正面吉部相去二三寸一顆尖細淡淡桃紅色者必稀而轉也若初見點於正面凶部二三相並或五六成叢或赤或白頂平而少神者必密而重也一經曰病有輕重藥有淺深故痘之初出有輕而有重也稀者輕而密者重矣癰疹而出者半輕半重如發熱一日報點者太重二日報點者重微微發熱三日報點者為輕四日身涼報點為尤輕自報點三四日方齊磊落如珠大小不一等尖圓緊實顆粒分明淡紅漸加明亮根窠紅活頭面稀少心胸無人事安寧飲食如常二便清調順也痘初報點雖易粗肥形似饅頭或一熱雖齊出而勻朗紅澤雖稠密而陸續出來能食便調此險之可治也一熱齊湧出顆粒不分粘聚成叢頂若火刺乾紅灰白色不光澤頭面頸項胸背舌喉稠密無縫嘔吐噤瀉腹痛腰疼喘急腹脹煩燥悶

亂失血者此逆之不可治也

一或悶發熱痘便一齊出者或發熱數日而陸續出者何曰一熱齊出者乃表虛也肺主皮毛脾主肌肉脾肺氣虛則腠理不密肌肉不實不能約束於外則毒火冲擊而出太驟也譬君失其正則寇盜蜂起若熱久而陸續出者乃正氣充足肌膚厚肉分堅則毒受制歸附故陸續而漸出也譬君正則四夷皆化而為善也故曰表虛者易出而難靨表寔者難出而易靨也

一凡痘初見點以火照之簇簇于皮中不見不起者若非風寒壅遏必氣虛不振風寒宜散之氣虛宜補益而兼升發為主也

一凡痘疹出不快者症必有因當詳審而調之○一素壯實之人皮膚厚肉腠密毒氣難以發越宜勻氣為主經曰氣勻則出快○一素虛弱之人先曾瀉利而元氣不足不能拘血運毒而出者宜溫補而兼升發為主經曰正氣足而痘自生化也○一天時嚴寒運氣又在寒水司天毒氣為寒氣鬱遏而不能快出者宜辛熱之劑發之經曰毒得熱則行得寒則凝正此謂也○一炎暑亢極運氣又在君相司天煩渴昏瞢此為兩火相擊而陰水乾涸經曰少水不能滅盛火而陽獨治獨治者不能生長也宜清暑益氣為主○一客受風寒發散之劑表之得汗而痘自出也○一內傷飲食胃氣不行氣血凝注而毒不能快出者宜濁陰之劑利之○一稟賦腎水不足毒

火瀰熾水不能制反為所勝毒邪留連於裡而不快出此為獨陽不生也宜滋水以制陽光

一或問經曰痘出身涼微熱為上吉熱微而痘出反密熱甚而痘出反疎者何也曰熱微而痘出密者必其兒口燥渴唇焦裂表雖不大熱而裏熱甚也熱甚而痘出疎者必其兒口不渴唇舌滋潤能食便調身雖大熱而裡氣和平也豈可以熱之輕重論哉

一或問痘必假天行時氣鼓擊而出有出而亦有不出者何也曰夫痘毒中於有生之始畜無形臭及有外邪觸之則忽焉盡發若不感動其邪縱時行發痘而不出也一報點紫色或黑滯而腰背痛者不治方見前腰痛門

一凡報點青色如筋頭大不起凸此冷疔凶也紅斑如錦紋者偏身如蛇皮者如疹如瘡者逆候也

一痘報點而口中腥臭者乃毒乘肺胃煎熬潰爛內潰之症也故臭也宜清金解毒湯或甘桔湯加連翹蟬蛻芍藥治之隨應藥者醫之功也若失聲喘急噦嗆者凶也

附治驗

一兒痘初出便身作痒爬搔不寧余謂風寒外乘滯於皮膚而作痒也搔之者運動以散之也以升麻葛根湯服之又用荊芥穗焙熟以紙包之運其痒處應手而愈

一兒痘出隱隱不見喘咳寒熱交作以升發藥不應召余視之曰時天大寒毒氣為寒氣所抑腠理封閉氣血凝泣而然也當用辛熱之藥佐之治以桂枝葛根湯得微汗而前症悉平痘豁然透出調理愈

一兒痘已見形噦吐不止面色槁枯口唇焦黑余謂胃氣脫絕毒伏於內不能盡出三日而死

一兒痘不易出吐瀉不已醫咸謂毒氣上行則吐下行則瀉擬升發之劑使痘盡透吐瀉自止治之愈甚名余視之熱微安靜痘勻朗嬌紅曰此脾胃氣虛治宜溫補而兼升發或曰痘未盡出而溫補豈不黨邪為禍乎曰醫無定法合宜而用以透肌散又六君子湯加蟬蛻升麻桂枝陳倉米生姜大棗治之愈○又一兒痘症如前咸以升發而不固真元致伏陷不治

一兒痘隱隱不出面白神疲熱微飢泄余謂脾胃氣虛不能送毒以小異功散加升麻川芎蟬蛻木通陳倉米服之瀉止痘出又補中益氣湯調理愈

一兒痘出勻朗形綻凸而色淡紅兩腿痛甚叫號不已召余視之曰身半已上俱屬陽分身半已下俱屬陰分腿亦屬陰腎所主也陽虛陰弱則痘毒乘虛凝滯於腿而作痛耳以活命飲治之二劑痛稍止繼以十全大補湯加附子間服八味地黃丸調理而愈○又一兒痘症類前不以早治痛傷元氣色漸微白而唇白面青四肢厥冷

痘變紫黑而六日死○一張氏子五歲痘出隱隱腿痛不息余謂稟賦腎家精氣不足逆也痘不能盡出喘脹狂亂痘變紫黑五日而亡○凡病之始神氣尚存可以藥制之若其始謀不豫宜然固知生氣已去化工難續雖聖人豈能改天命也哉故曰履端於始序則不愆此之謂也

一兒七歲痘初報點于上唇右及右太陽身肢稠密正額平塌少神顴頰不現四肢厥冷人事昏瞶喘急腹飽便秘余謂風寒壅遏毒火彌熾于內氣血不能運行於經絡故肢冷痘不易透者此寒包熱之症治宜疏散表邪為主用升麻葛根湯加川芎蟬蛻山查山甲等服之又加味獨聖散桑螵蛻蟲攻之六朝正面俱起七朝空處補出贈痘諸症悉平調理而愈

一兒初發熱頸項間紅腫如桃痘雖標形而癭作膿痘伏陷而卒○又一兒痘二日耳前紅腫如桃余謂癭毒也以葛根湯加荊防牛蒡甘桔治之外以圍藥塗之腫退痘起而愈亦有不應藥者毒起痘陷而死

一兒痘初報點驚搐不止余謂心血不足邪因而客之以歸地赤芍川芎茯神遠志酸棗仁蟬蛻少加石菖蒲治之搐止愈

一兒痘初報點驚搐不止眾曰驚痘多吉或言邪從搐散無害余謂曰驚出於心搐發于脾若發之不止乃脾虛血少也未可以為吉不信醫治之二八而卒每驗發驚

不止者後難收拾也○又一兒痘初見點驚搐不止昏瞶不甦而逝

一兒痘出二三日而發驚搐余謂毒不透撒乘於心心受邪而不安治以導赤散加蟬蛻黃連紅花天麻鈎藤石菖蒲治之愈

一兒痘出隱隱發狂不已便秘溺溢余謂毒火鬱結手陽明以大柴胡湯利下而愈

一兒報點二三日其間碎密如麻子者此夾疹也方見前有皮肉鮮紅成塊者此夾

癍也方見前二症有吉有凶當究正痘形色而斷

一兒痘已半出喘急腹脹煩躁便秘謔語不寐余謂毒火彌盛以承氣湯得利行數次諸症悉平而愈

一丙子孟春五日談氏女痘已三日閱歷諸名家皆曰磊落綻凸勿約有喜舉家大慰居無何乾焦紫黑氣絕而死仍懇諸家往視之則默然無以應舉家哭罷而余至閱視審詳曰此兒身肢雖冷心胸尚溫六脈雖無而衝脈不絕猶有生氣蓋變色而死非痘之故也究其初熱時為年糕歲食所傷不能運化以致氣血凝滯不行靜如死狀用承氣湯以漸灌之則行黑糞二次少間身肢溫熱六脈如原又用補中益氣湯調理而愈紫黑為紅乾焦為潤諸名家讓三舍而去

一兒痘正出而小便秘余謂膀胱為津液之府氣化則出氣為火食不能傳化故津液不出而溺閉也以導赤散加疏解藥治之而愈

一兒痘出未齊而腹痛噤腐吞酸大便穢臭余謂飲食停滯用保和丸二服愈

方見傷食門

一兒痘半出偏身作痛余謂熱毒鬱滯而未盡外出故也以活命飲加蟬蛻一劑而痛愈亦有六淫所感而痛不可不察

一兒痘正出時而痰喘壯熱煩渴余謂肺胃二經實熱以前胡枳殼赤茯苓大黃甘草煎服而安又食少面白此邪氣去而真氣虛也用補中益氣湯調理愈

一癭兒痘出細密如瘡色白乾枯余謂毒盛氣血兩虛之候毒不能盡出透必內攻腹脹喘急而五日不治果已

一兒點報粗肥而有紅盤間有細密隱隱咸謂夾疹痘名余視形色是痘紅點是疹盤雖紅而歪斜乃客冒風熱鬱於肌表不散兼食辛物風熱相搏發為水痘夾疹非正痘疹也今內症安寧但表邪未解宜解散之用葛根湯加防風荊芥連翹白芷服之二劑痘成疣疹沒而愈

一兒患痘勻朗粗綻紅澤咸曰順不必治偶余過彼招余視形色雖順但左腮腫塊其色青紫熱盛而煩燥不寧余曰先發瘡而後發塊名曰鬼捻以難瘥急宜服紫金錠救焚散稍遲則毒攻心必驚搐不治主人以為謬不從次日果發痰喘搐搦窺視而死

一兒痘三日溏泄無度四肢厥冷痘點隱見余審視其瀉已有旬日乃脾虛之甚也

以附子理中湯數劑瀉漸減而肢漸溫又以補中益氣湯去歸加肉果官桂調理愈一兒痘四日而尚未齊出壯熱煩躁頭疼喘嗽余謂外感寒邪腠理閉密宜汗解之以升麻葛根湯加麻黃蟬蛻山查治之汗出如浴痘盡生長前症悉平愈

一兒痘三日而間有膿泡者皆云行漿為吉召余視曰痘尚未盡出而便間有膿泡者此未至而至謂之太過名曰賊痘為逆經曰賊痘若生諸痘不堪貫汁或問何名賊痘曰夫痘之成始成終合四時順佈之理初出猶春之生起發猶夏之長成膿猶秋之收結痂猶冬之藏此自然之次序遞相而成功者也今痘出三四日之間正春生之候而便間有膿胞者此乃春行秋令金來剋木是謂賊邪故名之曰賊痘也內經曰逆春氣則少陽不長肺氣內變火無生氣而長養之令不行故痘不堪貫汁也一兒痘未齊出利下赤白無度余謂血熱毒甚之痘兼有素積以升麻葛根湯加山查麥芽蟬蛻芍歸等主之稍愈而目赤溺數又犀角地黃湯治之再補中益氣湯調理而愈

一兒痘出四日反焦紫陷伏煩燥腹飽憤亂不寧皆云逆逆者不必治余同毛小泉視謂風寒封閉腠理壅塞氣道非表散不可以四牙散桑螵蟲發之升麻葛根湯加酒炒麻黃以疎肌表山查麥芽以消宿食痘漸生長然尚少神以保元湯加芍歸內托膿成結疔而愈

一甲午孟春有族姪三歲痘初報點於山根粗肥咸云報點粗肥稀疎可必為順三朝躁熱狂亂母痘塌頤頰隱隱余謂山根部位屬脾雖粗肥形似饅頭乃毒乘脾腎以人牙散又羌活散鬱湯痘齊出稠密陷痘復起以補中益氣湯漿足結疔痕色乾紅少潤唇口裂血腹飽便秘溺赤以滋養清解之劑治之便通安枕又口齟發瘡則以清胃解毒湯加連翹牛蒡子治之愈

一壬辰臘月沈氏女六歲泄瀉旬日報痘患痢晝夜無度痘隱見不振咸用升發藥不效勢在危急余視曰形色淡白少神診脈浮大無根乃大虛症也非附子理中湯不可日進二劑便積少愈而痘覺紅潤脈漸有根然猶飲食不進用補中益氣湯加桂枝炮姜遂能飲食睡卧得宜漿雖充滿而便完穀痘不易結痂以小異功散加水香芍藥又參苓白朮散調理愈

一兒痘未盡出溥泄肢冷搐搦竄視予謂慢脾候以陳氏異攻散數劑愈

一兒痘未齊出而手足搖動醫謂寒顫以異攻投之而愈戰慄余謂顫慄者似寒而實熱也由筋脈約束不住而莫能任恃風之象也內經曰諸風掉眩皆屬肝木木主風風主動此木氣太過而兼火之化也治宜平肝制火以升麻葛根湯加防風川芎柴胡治之愈

一兒痘出三日夾痂赤色不退壯熱便秘余謂毒滯不能宣發以四順清涼飲利行

二次癰退痘起又以補中益氣湯調理愈

一富兒患痘四朝廷余及同道毛小泉視之稀朗紅潤而神順也順者不藥自安及至七八日漿尚不得行冰陷九日而卒余意此等順症而有變故疑其間必有致毒之由因詢其父乃曰未痘之先嘗製丹砂稀痘等藥服之或是之悞乎余曰有是哉蓋痘毒原於有生之始藏於至陰之下必待天行時氣而與相火兩相提携乃能發之于外今丹砂等藥味甘寒而性沉石入心而安神鎮脈以致君火受制相火無委任權力陽氣不能生發以使血脈冰凝毒伏不化也不斃而何哉

一兒十三歲痘已半出勻朗乾紫腹脹喘急煩躁便秘余診六脈沉滑謂此氣血凝滯之症必食物所致明以告我彼曰因食糕四五而熱始以保元湯加酒麴二錢利行二次愈

一兒痘出未齊而頭面浮腫余謂風熱上攻以葛根湯加防風荆芥白芷蟬蛻治之愈一兒痘出妄言妄見或狂或愚或哭或笑余謂癩症由心血不足而毒火乘之使邪不守舍以升麻葛根湯合寧神湯治之痘齊出愈

一兒痘已出齊粗肥紅澤而頂陷咸謂少起脹欲升發之余視曰內外症平不宜服藥不從以桑蛭虫并升發藥雖行漿而清稀痒塌復求余治以大補益之劑雖愈難為力矣

一兒痘已盡出泪流不止痘不易起脹余謂肝經氣絕而然也經曰木絕則火無生氣治當調脾益腎以培其根肝木自生而長養之令行矣東垣曰滋苗者必固其根正此謂也早服補中益氣湯夕服八味地黄丸而愈亦有斯症不同前治不能起脹而卒

一兒痘已齊出勻朗不易長大蒼色少神能食便溏余謂脾氣不足而然也故曰脾胃充足飲食入胃精氣先輸脾歸肺上行春夏之令以滋養周身之榮衛也然後下輸膀胱行秋冬之令傳化糟粕轉味而出也若脾胃虛衰久不能升則真氣下溜是有秋冬而無春夏生長之用陷于殞殺之氣故痘不易長大而少神也治宜補中益氣而升陽得脾土固則陰升陽降四時之序行矣以補中益氣湯去當歸加桂枝蟬蛻等又保元湯加白朮官桂川芎等治之愈

一兒痘已盡出勻朗綻凸咸曰順余謂皮嫩色嬌乃見痘也必有痒塌之患蓋皮在內約束經脈膚在外分布腠理凡痘之出皮厚色老為佳若皮嫩色嬌者皮肉已虛不能約制邪毒故痒癰也治當固中益氣為主不從余治後果痒癰泄瀉而卒

一兒痘四日稀疏紅綻為順余視正額平塌少神煩熱無益以火燭之隱隱于皮膚以如金散發出密如蠶種色乾紫無神乃氣血虛而毒盛逆也六朝痘漸為紫黑喘脹而卒或問痘之變黑者何也內經曰火極而反兼水化又曰火之炎也則紅火之

過也則黑黑乃水之色此兼水化之義也譬炒豆然火微則黃火盛則焦而枯黑矣一兒痘四日勾朗綻凸紅潤而順余視審其煩燥不食睡卧不寧此痘尚未盡出而然也蓋外症之吉凶必審內症之虛實輕重經曰裏症未平痘雖出而毒猶在內治宜升發之以升麻湯治之其痘盡出稠密以補中益氣湯保元湯調理愈

一慎姓子于乙亥孟夏卒然發熱腰疼甚即見痘稠密其色紫黑咸云毒乘腎經而發不治招余視痘已四日審兒胃氣強盛色雖紫黑而有神乃謂主人曰其症固逆喜元氣壯實尚有生意乃以四升散一服又化毒湯送下地黃丸二服次日痘俱腫脹但色如故以黃連解毒湯加牛蒡紫草歸芍地黃治之而愈故治者不可執一而輕棄之余驗此有感而錄也

一兒痘不易出目胞預浮腫而光亮壯熱煩悶余謂曰痘之初發主於心漸傳之於皮膚之上被風寒客閉皮膚不能發越於外毒留肌肉之間脾主肌肉目胞屬脾經曰毒乘於中則熱熾於外故目預腫也宜疎解之以升麻葛根湯加荊芥蟬蛻連翹主之痘透解毒自自開豁至五六日痘盡起脹目應閉而復開愈

一兒痘已出齊兩目赤腫色見乾紅大小便秘睡卧不寧余視為血熱毒盛不解而上攻於目以犀角地黃湯加連翹牛蒡荊芥治之中病即止而愈

一兒痘四日形色俱白咸曰血虛不附凶也余謂形色雖白尖綻有神種名水白痘

順也以補中益氣湯調養始終無紅盤而愈

一兒痘五日形色少神腹脹喘急腸鳴四肢厥冷或擬內傷者或論伏陷者余視曰內傷者按必痛陷伏者必煩悶今兒便利安寧而虛鳴者乃陰陽二氣不和此傷冷之症也詢其渴飲生冷而兼涼藥內經曰中氣不足則腹滿腸鳴以理中湯加木香陳皮官桂等疏逐冷氣諸症悉平又補中益氣湯調理愈

一兒痘三四日雖齊淡白神疲不易長大小用升發藥并桑蛀虫服之亦不起召余視之見兒安靜便溲曰痘毒俱已外出小者乃正氣微弱耳以補中益氣湯加蟬蛻官桂連進二服又保元湯調理愈亦有不從余治執以升發不能行漿痒塌九日而卒

一兒痘已盡出形色無神二便自利四肢厥冷腹脹發噦余視為裏氣虛弱宜用理中湯稍遲則胃氣脫絕連進二服而內氣一煖痘即發光北紅活四肢溫熱又以補中益氣湯加丁桂治之噦止愈

一兒痘四日吐血二三碗痘陷淡白煩躁譫妄肢冷身涼睡卧不寧余審其痘原血熱毒壅未盡出而清涼之其毒乘寒凝泣不能伸越故上逆而吐衄也今毒雖解而氣血虛脫東垣曰血脫者益氣以保元湯加黑姜附子芍歸芍藥蟬蛻粘米治之痘復鼎峻前症悉平而愈

一兒痘出面半已上稠密灰滯已下俱勻朗綻澤余謂此名雲掩天庭漿不能滿倒
靨喘脹而卒

一兒痘齊出面半已下稠密灰白面半已上勻朗紅潤余謂此名落花滿地以補中
益氣湯破損復腫灌而愈

一兒痘五日左半身稠密紅澤右半身間有數點余謂左屬陽痘發於陽以補中益
氣湯調理愈

一兒痘四日右半身稠密灰滯平塌左半身間有幾顆余謂右屬陰毒發於陰逆也
漿雖行不能收斂九日而逝

一兒痘齊出諸處俱勻朗紅潤而腰圍轉稠密灰滯腰痛生立不能余謂毒乘腎經
名纏腰痘不能成漿九日而卒○又一兒痘諸處勻朗紅澤而腰間攢簇如盞許灰
滯八朝痒破成坑十一日而卒

一兒痘出中身稠密紅活綻凸頭面四肢全無漿充結疔愈余謂古人曰氣之所至
毒亦至焉何中身氣至而頭面四肢氣不至也未詳其理俟高明教之

一兒痘已齊出遍身稠密頭面全無皆云頭面無為吉余謂陽氣不足不能上升於
頭面逆也又一兒痘似前以補中益氣湯加川芎官桂頭面雖見數點不能起脹而卒
一甲戌有一老夜半叩言孫兒痘出二三粒五朝而復煩躁發熱睡卧不寧余往視

見點報於左右目胞頂平潤大根紅有神此痘隊中之碩痘一名母痘又名報痘時
發痘之時而有是痘也皆兒感受痘之厲氣先發之於外也若故只二三粒之正痘必尖綻而

無前症也以升麻葛根湯二劑果痘復出勻朗紅綻前症悉平愈

一兒未熟先數痘一點于唇上又一兒未熟先數痘于左頰一點右頰一點頂平潤
大俱五日身熱而復出痘勻朗而順漿足收疤但報痘潰而不斂延綿四七日方愈
一姪女子戊戌孟夏十七日未熟先數一點痘於承漿頂平潤大余謂曰此報痘又
名屬瘡皆由感天地之沴氣觸動臟毒故先出太驟也廿一日發熱出痘稀朗紅綻
順但為報痘腫連頰下成膿毒化愈

一周姓子三歲戊戌三月十二日痘報于眉心一粒皆云一粒為喜十九日漸平塌
如圍棋大灰白無神痒破煩熱痘復出勻朗紅澤為順余謂眉心屬命門相火毒先
于此地相火受傷諸處雖順恐為獨陰不化也漿行倒靨肢冷喘脹搗搦廿八日斃
一兒未熟先數痘于心窩一粒又一兒未熟先數痘于喉中一粒又一兒未熟先數
一點于腰間又一兒未熟先數痘一點于頭頂俱五六日而復出痘勻朗紅綻惟母
痘平塌灰白無神痘漿雖滿倒靨喘脹而逝

一凡痘未盡其毒氣尚在內慎不可以大寒大熱之劑寒則毒凝滯不透熱則火邪
愈熾治當平和疏透之劑使痘盡出于外交會得其正不可妄治
苟為失正當辨虛實寒溫調適中和而已